



Preventiv 2017

La suprastanza cumünala ha incumbenzà a la direcziun operativa da cumanzar a ramassar las cifras pel preventiv 2017 e fixà ils termins per la prüma e la seguonda lectüra dal preventiv. La radunanza cumünala da preventiv varà lö in venderdi, ils 2 december 2016.

Permiss per retrar aua our dal flüm

A Filipp Grass es gnü prolungà il permiss per retrar aua our da l'En per preparar la pista da glatsch in Praschitsch per ulteriurs 10 ons.

Sanaziun totala da la via Davo Röven

Las lavurs per la sanaziun totala da la via Davo Röven a Zernez sun gnüdas surdattas seguaintamaing: lavurs d'impressari a Rocca & Hotz AG, Zuoz; lavurs da sanitari a Di Tommaso Gebäudetechnik, Susch; lavurs da cuvrida a Hew AG, Zernez; installaziuns electricas a la EE-Energia Engiadina, Scuol e la lavur d'indschegner electric a Brüniger + Co. AG, Cuaira. La via vain sanada in duos etappas.

Sarinera nouva a Brail - surdatta da lavurs

Las lavurs per la sarinera nouva a Brail sun gnüdas surdattas seguaintamaing: lavurs da marangun a Foffa Conrad Holzbau AG, Zernez; lavurs da sanitari a Werner Meier, Lavin; installaziuns electricas a Roner & Partner srl, Zernez; manisaziun electro-mecanica a W. Frei AG, Klingnau.

Rait electrica - rimplazzamaint cabinas da scumpart ed iglümünaziun publica

Las lavurs per rimplazzar duos cabinas da scumpart (Giassa e Muglinè a Zernez) sco eir per rimplazzar üna part da l'iglümünaziun publica (Via Suot a Zernez ed üna part a Lavin) sun gnüdas surdattas seguaintamaing: lavurs d'impressari ad Andri Margadant, Susch; lavurs da cuvrida a Hew AG, Zernez; lavurs d'electricier a EE-Energia Engiadina, Scuol. Id es previs da far las lavurs d'urant l'utuon 2016.

Immundizchas - organisaziun e proget 2016

La suprastanza ha deliberà ils credits per eriger in trais lös molocs novs. Tals vegnan plazzats i'l quartier Muglinè a Zernez, dasper il Volg e dasper l'Arsenal a Lavin. Implü saraja in avegnir pussibel da depositar tanter oter eir palperi vegl e chartun i'l Arsenal pitschen a Lavin.

Progettaziun iglümünaziun/innaivaziun/sauaziun

Il büro d'indschegner Caprez SA a Scuol es gnü incumbenzà d'elavurar ün stüdi in connex cul proget "Netzentwicklung Engadin". Culs resultats da quist stüdi as voul evaluar, schi cunvgniss pel Cumün da Zernez da's participar vi dals cuosts pel s-chav dal proget manzunà ed uschè pudair metter in quist s-chav büschens vöds per plü tard innaiver, iglümünar e sauar i'ls contuorns da Champatsch fin Prà da Punt a Zernez.

Deponia Crastatscha - vascas pel provedimaint d'aua

La suprastanza ha decis da vulair realisar duos vascas da sgürezza pel provedimaint d'aua pro la deponia in Crastatscha Suot. Quist causa cha la lingia dal provedimaint d'aua as rechatta plüs meters suot la deponia, üna vouta cha la deponia es plaina. In cas d'ün don da la lingia existenta as pudess uschè eriger infra fich cuort temp üna lingia provisorica pel provedimaint d'aua da la fracziun da Zernez.

Management da ris-chs pel Cumün da Zernez

Il cumün es gnü orientà da l'uffizi chantunal pel god e privels da la natüra sur da la pussibilità da stabilir eir per nos cumün ün IRM – Integrales Risikomanagement. I's tratta quia d'ün'analisa dals ris-chs da privels da la natüra per tuot on (stà ed inviern). Il silvicultur Arnold Denoth es gnü elet sco cusgliader cumünal per ris-chs da la natüra. L'incumbenza d'analisar la situaziun da ris-chs pel Cumün da Zernez es gnüda surdatta a l'uffizi chantunal.

Survista dals progets e da las pendenzas

La suprastanza ha discus tras tuot ils progets e las pendenzas da mincha suprastanta e mincha suprastant. Uschè es mincha commember da quist gremi orientà sur da tuot ils progets chi sun actualmaing in elavuraziun.

Scouline Lavin - surdattas da lavurs

Las lavurs per fabricar aint duos tualettas sül plan süsom da la chasa da scoula a Lavin sun gnüdas surdattas seguaintamaing: lavur d'architect a e&g Innenarchitektur, Lavin; lavurs d'impressari a René Hohenegger sarl, Brail; lavurs in lain a Foffa + Conrad Holzbau, Zernez; installaziuns electricas a Roner & Partner srl, Zernez; installaziuns sanitarias a Werner Meier, Lavin; lavurs da plattinas a Foffa Conrad SA, Zernez; lavurs da pittur a Roman Bühler, Zernez; indschegner da fabrica a J.A. Känz, Zernez.

Manader tecnic - successiun

La suprastanza ha inizià la procedura per la tschercha e tschernà d'ün successur pel manader da las gestiuns tecnicas, chi vain pensiunà da prümvaira 2018. D'urant ün temp transitori dess il manader nouv gnir instrui e lavurà aint dal manader actual. L'inserat per la tschercha d'ün successur sco eir la procedura da tschernà sun gnüts sancziunats. L'ingaschamaint es previs a partir dal prüm quartal 2017.